

布武 文明保护基金会


www.docsriver.com商家布武古籍

布武 文明保护基金会

www.docsriver.com商家布武古籍

布武 文明保护基金会

www.docsriver.com商家布武古籍



ル 5
1353
1



門 小名 6
號 1983
卷 1

欽 陸 府 驛
碑 錄 固 志

乾隆戊申刊起至嘉慶癸亥工竣

光緒五年春
授經堂重刊

乾隆府廳州縣圖志序

賜進士及第翰林院編修充 國史館纂修官 臣 洪亮吉撰

蓋聞方圓有象白阜成書流峙初形綠圖有記黃帝中經之外
乃逮于九丘重華益地之餘聿聞夫禹貢周禮職方實係九州
之志春秋內傳洵為百國之書秦圖三六由四極而四荒漢郡
百三乃一候而一尉由茲以降可得而言若夫斷代為書建元
表號則秦康地記始有成規永初山川實標定目開元十道之
記既開吉甫之前元豐九域之書又繼元和而作若據茲見在
以定厥歸則李相所編執衷斯在而其得失又可推焉夫為地
說者右圖左記既屬良模舉要撮凡斯歸至當故裴秀舉地官
之職惟表川原蕭何得御府之圖藉知阨塞必有資乎經國非
欲助夫遊觀乃今觀其所采則嚴光江岸莊子濠梁前喆鈞遊



布武 文明保护基金会

www.docsriver.com商家布武古籍

有而必錄此則郭象述征之記延之攬勝之編非地理之要也
昭仁等慈丹臺仙觀二宗創置靡不畢詳此又名僧西域之經
高士老君之傳非地理之要也又有甚者夫挂劍徐君之壠灑
酒喬公之墟同係昔賢均堪憑弔然與其有詳有畧何妨概屬
闕如今則關中諸兆存班固而削馬遷江左崇封登陶侃而芟
卞壺載籍並存無疑可闕而乃如此者洵莫詳其用意焉又如
周禮職方春秋國邑孟堅一志文命一書洵海宇之權輿肇山
川之名號必謂生年已後無得而徵則疑者不言蓋衷諸聖今
則春秋土地視杜預而尤踈禹貢方名較魏收而益誤前者既
不知所本則後者亦莫敢復承且其言曰古今言地理者凡數
十家尙古遠者或掇古而畧今採謠俗者多傳疑而失實飾州
邦而叙人物因丘墓而徵鬼神旨哉斯言實皆自背夫大別小

別各立其名內方外方強標其號以至天興一縣載二事而皆
虛襄邑一區設兩言而亦誤此非尙古遠而失者乎五星升渚
一聖名山石則陽翟婦人竹則霍山天使此非采謠俗而失者
乎至于陵爲蛇骨水繫蛟潭陶侃則一龍作梭跣拔則七魚猶
串馬融經學先表讀書之臺謝朓文人乃紀賦詩之所非飾州
邦而叙人物乎孝童營冢烏口先傷力士鑿山牛形遽變舒女
化魚水聞歌而赴節思王埋烏魂在冢而能呼非因丘墓而徵
鬼神乎雖然責人斯易考古良難安知今之所爲是者後之人
不又叢責備也要卽今所見以揆其所安則雷同附會有皆不
敢而其間因革亦微具體裁焉今者每布政司所轄各冠以圖
統以三京爲圖二十昔則赤緊畿望今則衝繁疲難道里之
數一準近圖戶口所憑要於今冊故城舊縣有則必書鑿嶺開

渠遠而必錄此則遵彼良規無容改作至若金牛聖渚因水利而登編白鹿神禾以分疆而入錄外此則畸人逸士昔賢前聖之遺跡概不列焉五岳四瀆圭瑁之尊同于牧伯故并列其祠外此而浮圖宮觀不與焉帝升王降弓劍之所比于山陵故各詳其地外此卽聖賢冢墓亦不及焉同知通判分駐必詳則班生記都尉治所之意郵亭鎮堡隨方亦錄則馬彪載郡國鄉聚之遺五金利用標所出之山近監便民記置場之所水道則據今時出入而綴以故名陂塘則記歷代廢興而并詳創始形勢所在非可空言戰爭之區因事附錄又名之可合于禹貢益名班書左傳者疑則或闕徵則必書此又其復古之初心作書之微旨也我

國家膺圖百年闢地三萬東西視日過無雷咸鏡之方南北建

斗逾黎母呼孫之外光于唐漢遠過殷周然而大一統之書

內三館所繪祕圖則流傳匪易鴻編則家有爲難非尋櫪括之

方懼啓津涯之歎

臣 遭逢

聖世得預儒流四及計偕再膺里選九州歷八親探禹穴之書

四部窺全會寫蘭臺之字粗知湛濁稍別方輿閱以歲年撰成

此志卷裁五十慚管見之難周譜及八荒表

盛朝之無外云爾時乾隆五十三年歲在戊申長至前五日

乾隆府廳州縣圖志

總目

卷一

京師

順天府

興京

盛京

奉天府

錦州府

甯古塔城

黑龍江城

卷二

直隸布政司上

卷三

直隸布政司中



卷四

直隸布政司下

卷五

江甯布政司上

卷六

江甯布政司下

卷七

江蘇布政司

卷八

安徽布政司上

卷九

安徽布政司下

卷十

山西布政司一

卷十一

山西布政司二

卷十二

山西布政司三

卷十三

山西布政司四

卷十四

山東布政司上

卷十五

山東布政司中

卷十六

山東布政司下

卷十七

河南布政司一

卷十八

河南布政司二

卷十九

河南布政司三

卷二十

河南布政司四

卷二十一

陝西布政司上

卷二十二

陝西布政司中

卷二十三

陝西布政司下

卷二十四

甘肅布政司上

卷二十五

甘肅布政司中

卷二十六

甘肅布政司下

卷二十七

浙江布政司上

卷二十八

浙江布政司下

卷二十九

江西布政司上

卷三十

江西布政司下

卷三十一

湖北布政司上

卷三十二

湖北布政司下

卷三十三

湖南布政司上

卷三十四

湖南布政司下

卷三十五

四川布政司一

卷三十六

四川布政司二

卷三十七

四川布政司三

卷三十八

四川布政司四

卷三十九

福建布政司上

卷四十

福建布政司下

卷四十一

廣東布政司上

卷四十二

廣東布政司下

卷四十三

廣西布政司上

卷四十四

廣西布政司下

卷四十五

雲南布政司上

卷四十六

雲南布政司下

卷四十七

貴州布政司上

卷四十八

貴州布政司下

卷四十九

牧廠 八旗牧地附

新疆

外藩

卷五十

朝貢諸國 並附見通市諸國

右乾隆府廳州縣圖志凡五十卷北江先生未通籍時歷客
陝西河南時所著也余向不識先生歲戊午仲夏客有自京
師來者錄先生大考試卷征邪教疏見示先生既慷慨論列
而于全秦西蜀地理寸晷中羅列若指諸掌余心敬之迨先
生自塞外蒙

恩赦歸壬戌六月避暑焦山余始攜弟宗淵往謁並令宗淵
受業門下先生留居山館二日因得悉窺先生所造述大約
自說經外于古今地理辨證尤詳所成書至十數種時府廳
州縣圖志已刊至半余因勸先生促成之并爲任剞劂之費
先生卽以全書俾余兄弟攜歸卽屬校正闕誤余受而讀之
而知先生此書非僅考鏡今古釐析中外實先生經世之志
所寓也夫自唐以來專志郡縣之書傳者不過數種宋樂史

太平寰宇記旣苦太繁又寡持擇王存元豐九域志卷帙寥
寥沿革僅及本朝難資鏡古惟唐李吉甫元和郡縣志採擇
較嚴義例亦整然其失亦有數種先生自序已詳列之不更
及也又其圖已久亡缺卷至五六亦非完書矣先生此書體
例雖仿之吉甫而有其謹嚴除其舛雜于古今方名水道凡
有合于禹貢山經左氏傳及前續漢書二志者惟缺所疑餘
悉詳錄又溝渠之通塞道路之利便以迄五金所出之山近
鹽便民之所有益于民生國計者均一一登載焉先生又嘗
言域中最要者山川然山形則亘古不變水道則時有遷徙
故水之源委疏記獨詳圖所不能盡者兼以表綴之州縣旣
訖始錄牧地與新疆外藩末附以朝貢諸國蓋新疆外藩屬
國三者截然不同

列聖以來開闢之地有將軍統領大臣駐扎者爲新疆統于
理藩院者爲外藩統于鴻臚寺及太常寺四譯館者爲屬國
先生此書雖詳內畧外然義例不容紊也自


本朝開國以來名儒輩出其地理之學最著者爲顧氏炎武
閻氏若璩吳氏任臣胡氏渭顧氏祖禹五家亭林顧氏識解
最精雖閒有疎漏然十不過一二閻氏吳氏則意在考古經
史外不旁及胡氏禹貢雖指一書洵有發前人所未發者然
其論三江及東西漢水以迄大伾在黎陽之類顯背正經反
崇俗說則亦得失參半焉若顧氏方輿紀要一書卷軸浩繁
搜采不擇雅俗又大半空言形勢不知形勢所在今昔互殊
如秦楚交戰則鴻溝滎陽最要南北分裂則懸瓠玉壁尤衝
今則並爲腹內之地並無所爲衝要矣若先生此書則今昔

之要害中外之鉅防何嘗不隨地附見而不涉議論不事附
會則所見不又出于方輿紀要等上乎其他若詳畧之得宜
增減之不苟則讀者自知之無事余之贅列也書成于乾隆
五十三年故建置卽以此年爲斷付刊亦自此年始此後若
平越府之改州達州之改府荆門散州之升直隸以至南籠
府更名興義等皆在書成之後不備錄戶口道里物產則悉
準一統志輿地表及會典等書余性謏陋然昨蒙

國恩謬膺方正之舉亦思爲有用之書以有裨于世讀先生
此志實有先獲我心者因爲敘次本末并校刊歲月如左云
嘉慶七年歲在壬戌秋孟丹徒後學于宗林跋

京師順天府全圖

順天府 大興 宛平 良鄉 固安 永清 東安 香河
 順義 密雲 通州 懷柔 三河 武清 房山 寶坻 霸州 甯河 昌平 州
 文安 大城 保定 薊州 平谷





京師順天府屬眾水歸合表

薊運河

高粱水

防泚水

鮑巨水

涑水

溲水

黑龍港河

廣陽水

樂水

溫餘水

桃水

洧水

清泉水

泲河水

漁水

涇水

巨田水

白馬關水

聖水

巨梁水

盤山水

北易水

南易水

大通河

大冊水

灑河

府河

一名白河

方順河

一名北運帶河

慶都河

渤海

濕水

聖水

沽水

清水河

薊運河

子牙河

一名桑乾今名琉璃
河俗名渾河
河今名永
定河

一名潞水一名會同俗名潮河一名鹽河
今名白河又名玉亦名運糧又名沿河

盛京興京全圖

統計二府二城

奉天府

承德

遼陽州

海城

蓋平

錦州府

錦


寧遠州

州 寧古塔城

開原 鐵嶺 復州

寧海

廣甯 義



盛京興京衆水歸合表

速末水	清河	黑水	鹽難水	額爾古納小遼水	柳河川河女兒河
馬營水	泥河	諾尼水	河	大梁水	東沙河
大遼水	沙河	難水	淨溪里江	大清河	泥河
土門江	麻河		小清河	范河	細河
烏蘇哩江	小沙河		柴河	冷泉河	
大凌河	溝遼河		懿河		
小凌河	東沙河				
五重河	南沙河				
杓子河					

海

速末水 馬營水 黑水 大遼水 白狼水 參柳水
今名混同今名鴨綠今名黑龍今名遼河今名大凌今名錦水亦名小凌河

乾隆府廳州縣圖志卷一

場進士及第翰林院編修充 國史館纂修官 洪亮吉撰

京師

京城周四十里高三丈五尺五寸門九南曰正陽南左曰崇文南右曰宣武北之東曰安定北之西曰德勝東之北曰東直東之南曰朝陽西之北曰西直西之南曰阜城皇城在

京城中周十八里有奇繚牆袤三千二百二十五丈有奇門六正南曰大清少北曰長安左長安右東曰東安西曰西安正北曰地安自大清門之內曰天安天安門之內曰端門端門之內左曰闕左門右曰闕右門

紫禁城在

布武 文明保护基金会

www.docsriver.com商家布武古籍

皇城中周六里繚牆一千七十八丈有奇南曰午門左曰左掖門右曰右掖門午門內爲太和門左曰昭德門右曰貞度門東曰協和門西曰熙和門太和門內爲太和殿大朝正殿也太和殿前東爲體仁閣西爲宏義閣體仁閣之北曰左翼門宏義閣之北曰右翼門由太和殿入爲中和殿保和殿左有中左門後左門右有中右門後右門保和殿之後爲乾清門左曰內左門右曰內右門其東曰景運門西曰隆宗門自協和門出爲東華門自熙和門出爲西華門城之正北曰神武門文華殿在東華門內武英殿在西華門內南薰殿在武英殿南
外城周京城南面轉抱東西角樓計長二十八里高二丈門七南曰永定曰左安曰右安東曰廣渠西曰廣甯在東西隅而北向者東曰東便西曰西便

孝莊文皇后昭西陵在

孝陵南

世祖章皇帝孝陵在遵化州西七十里鳳臺山麓迤東卽

孝惠章皇后孝東陵

聖祖仁皇帝景陵在遵化州西北昌瑞山之東

世宗憲皇帝泰陵在易州西三十里太平峪迤東卽

孝聖憲皇后泰東陵

瀛臺在

皇城內太液池南卽明西苑地舊爲南臺

本朝賜名瀛臺

暢春園在西直門外十二里地名海淀靜明園在西直門外玉

泉山下圓明園在暢春園北

南海子在永定門外二十里又西湖在玉泉山下

遼故宮在

京畿南金故宮在城西南元故宮在

皇城內

順天府

原額人丁一十三萬六千二百五十四
又滋生人丁六千七百十六 屯丁一萬四千八百七十四

禹貢冀州之域周為幽州之域春秋戰國時為燕國秦為上谷郡地漢初復為燕國元鳳元年改為廣陽郡本始元年改作國屬幽州後漢建武十三年省入上谷郡永平八年復置廣陽郡為幽州刺史治三國魏太和六年復為燕國晉建興後沒于石勒永和六年前燕慕容儁嘗都此其後前秦苻堅後燕慕容垂相繼有其地後魏為幽州燕郡北齊置東北道行臺後周建德

六年置幽州總管府隋開皇三年郡廢大業元年府廢三年改幽州為涿郡唐武德三年復曰幽州置總管府六年改大總管府七年改大都督府貞觀初屬河北道開元二年置幽州節度使天寶元年改為范陽郡節度使乾元元年復改郡曰幽州寶應元年改范陽郡節度復為幽州節度後又兼盧龍節度使五代後唐仍置幽州及盧龍軍節度使石晉天福初割入契丹遼會同元年改南京幽都府置南京道開泰元年改燕京析津府宋宣和四年地入于金五年歸宋改為燕山府廣陽郡永清軍節度七年復入金天會三年仍為燕京析津府七年屬河北東路貞元元年改燕京為中都府曰大興自會甯遷都于此元太祖十年置燕京路總管大興府至元元年改建中都四年徙都之九年改曰大都二十一年置大都路總管府為中書省治明

洪武元年改曰北平府隸山東行中書省二年置北平行中書省九年為北平承宣布政使司治永樂元年建為北京改北平為順天府十九年始稱京師

皇朝因之並設四路捕盜同知東路駐通州南路駐黃村西路駐蘆溝橋北路駐沙河永定河道駐固安運河道駐通州分巡霸昌道駐昌平州永定河同知三並駐固安北運河同知一駐河西務管糧通判二駐楊村及張家灣

府境 東西距四百七十六里 南北距四百八十八里 東至遵化州界二百四十六里 西至宣化府保安州界二百三十里 南至天津府青縣界三百一十三里 北至邊牆一百七十五里 東南至天津府天津縣界二百里 西南至保定府新城縣界一百七十里 東北至喜峯口邊界四百二十里 西北至宣化府延慶州界一百三十里

土貢 鹽 鐵 綾 絹 水精 豹尾 角弓 人參 麝香 白膠 穀 粟 瓜子 綿 梨 棗 葡萄 蘋 婆果 桃 柳 勺藥 黃芽菜 琉璃 煤 畫眉石 花斑石

管縣十九州五

大興 宛平 良鄉 固安 永清 東安 香河 通州 三河 武清 寶坻 甯河 昌平州 順義 密雲 懷柔 涿州 房山 霸州 文安 大城 保定

薊州 平谷

大興縣 衝繁疲難郭下 有巡檢三駐禮賢采育黃村

本周初薊國春秋時為燕國都秦置薊縣屬上谷郡漢初為燕國都元鳳中為廣陽郡治後漢初屬上谷郡永元中復置廣陽郡治自三國迄今常為州府治遼初改曰薊北縣開泰元年又改曰析津縣金貞元二年始改曰大興

三里河在縣東南元時名文明河接通惠河為糧儲運道置鐵閘明時堙廢成化中議欲修濬以舊無河源而止今已成平陸又泡子河在縣東崇文門內

薊州故城在今縣西南

圍城在縣東南五十里征北小城在縣境圖經後漢末公孫瓚所築晉置征北將軍嘗治此

宛平縣

衝繁疲難郭下

有王平沿河石港三口巡檢四駐王平石港及蘆溝橋齊家莊

唐建中二年析薊縣地置幽都縣與薊縣並治幽州郭下遼開泰元年改曰宛平

西山在縣西三十里太行山別阜也

薊丘在縣北酈道元水經注薊城內西北隅有薊丘因丘以名邑今都城德勝門外有土城關相傳即薊丘也

玉河源出縣西北玉泉山瀝為西湖分流由德勝門入

皇城內名北海子亦名御河元曰金水河又西海子在縣西北

三里大通河舊名通惠河源出昌平州白浮村西南流入縣境

由海淀折東南入京城又從月橋入

大內南出正陽門東南流至通州入白河長一百六十四里元

郭守進所鑿

本朝康熙三十五年復濬又會清河在大通河北

濕水一名桑乾河今名永定河自宣化府保安州流入縣西南

又東南逕良鄉固安永清東安霸州合玉帶河又名清泉河亦

名蘆溝河俗名渾河高粱水在縣西東南流注永定河

車箱渠在縣西北

幽都故縣及漢陰鄉廢縣在縣西南唐廣平廢縣五代玉河廢

縣在縣西

君子城在縣西納降城牙城在縣西南土城在縣西北德勝門外八里卽元大都故城也拱極城在縣西四十里蘆溝橋東金史大定二十九年以蘆溝河流湍急命建石橋明昌三年成明正統九年重修

本朝康熙元年又發帑修築

天津關在縣西二百十五里

良鄉縣

衝繁難東北至府七十里

有固節一驛管河主簿駐趙村

漢置廣陽縣屬廣陽國晉屬范陽國後魏屬燕郡北齊省入薊縣唐爲良鄉縣地五代唐長興三年始移良鄉縣來治屬幽州廣陽水在縣東舊入聖水自盧溝南決遂東注桑乾河又福祿水在縣南今名鹽溝河東注廣陽水

廣陽故城在縣東北

固安縣

衝繁難北至府一百二十里

漢置方城縣屬廣陽國後漢屬涿郡晉屬范陽國後魏屬范陽郡齊廢隋開皇六年改置固安縣屬幽州大業初屬涿郡唐武德五年屬北義州貞觀元年屬幽州大曆四年改屬涿州元憲宗九年改屬霸州又改屬大興府中統四年升爲州屬大都路明洪武元年復降州爲縣屬順天府

方城故城及漢臨鄉故城在縣南陽鄉故城在縣西北

韓城在縣東南詩溥彼韓城燕師所完王肅曰今涿郡方城縣

有韓侯城又武陽城在縣西北

永清縣

要北至府一百四十里

有信安一鎮

本漢益昌縣地晉以後爲安次方城二縣地唐如意元年分安

次置武隆縣屬幽州景雲元年改曰會昌天寶元年又改曰永清

隋通澤廢縣在縣西

東安縣 要西北至府一百四十里 有馬頭一鎮

漢置安次縣屬勃海郡後漢屬廣陽郡晉屬燕國後魏曰安城

縣隋復曰安次縣屬涿郡唐屬幽州元太宗七年改屬霸州中

統四年升為東安州明洪武元年降為縣屬順天府

安次故城在縣西北

常道城在縣西北崧州城在縣西北七十里葛城在縣南三十

五里狼城在縣南四十五里

香河縣 簡西北至府一百二十里

唐武清縣地遼析置香河縣以縣東香河為名宋宣和中改曰

清化金仍曰香河元至元十三年分屬灤州明洪武十年省入

灤縣十三年復置屬順天府

古城在縣北五里

通州 衝繁疲難西至府四十里 有潞河和合二驛驛丞管

漢置路縣屬漁陽郡後漢曰潞晉屬燕國後魏仍屬漁陽郡後

為郡治隋開皇初郡廢屬涿郡唐武德二年於縣置元州貞觀

元年州廢仍屬幽州宋宣和中屬燕山府金天德三年于縣置

通州明初省潞縣入州屬順天府

本朝因之管河州判駐灤縣村

灤河在州境故灤縣南鳳河在故灤縣西南舊自武清縣南為

安沽港雍正四年濬鳳河故道由雙口抵青沽港入淀長一百

三十里

延芳淀在州西南

潞縣故城在州東遼瀋縣故城在州南四十五里

柳林在州南故瀋縣西元至元十八年如瀋州又如柳林自後皆以柳林為遊畋之地又棗林在故瀋縣西北

張灣城在州南十五里以元時萬戶張瑄督海運至此而名東南漕運由此運入通州為南北水陸衝會

三河縣 衝繁難西至府一百十里 有三河驛泥窪一鎮

漢潞縣地唐武德二年析置臨洵縣屬元州貞觀初廢開元四年改置三河縣屬幽州十八年改屬薊州五代之初廢後唐長興三年復置宋宣和中屬燕山府金改屬通州

本朝屬順天府

臨洵故城在縣東南

鞅城在縣西北今訛為英城又夏澤在縣西

武清縣 衝繁疲西北至府一百二十里

有楊村驛于慶坨
一鎮楊村河西二分
務管河縣丞四分
駐楊村要兒波永
定河三角淀主簿
二駐河西務東楊
村巡檢一駐河西
務

漢置雍奴泉州二縣屬漁陽郡晉俱屬燕國後魏太平真君七年省泉州入雍奴為漁陽郡治隋屬涿郡唐屬幽州天寶初改曰武清遼屬析津府宋宣和中屬燕山府金屬大興府元屬瀋州明初改屬通州

本朝屬順天府

邑奴水在縣南今名三角淀酈道元云邑奴者藪澤之名四面有水曰雍不流曰奴南極滹沱西至泉州邑奴東極于海謂之

邑奴藪其澤野有九十九澱枝流條分往往逕通圖經在縣南八十餘里東西五六里南北十餘里又東爲四汊港四汊可四五里又東爲西沽三十里合運河達天津

清沽港在縣南八十里西接安沽港東合丁字沽由直沽入海

雍奴故城在縣東泉州故城在縣東南四十里
長城在縣西南三十里延袤數百里舊傳戰國時燕所築與趙分界處

寶坻縣 衝疲難西少北至府一百八十里 有朱家崔家二莊

金大定十二年析香河縣置永安三年升爲盈州尋復爲寶坻縣屬大興府明初改屬通州

本朝屬順天府
薊運河在縣東三十里其上流一自薊州之沽河一自三河縣

之洵河至縣北合流俗名潮河亦曰運糧河東南流至縣東南九十里名豐臺河合還鄉河又南至甯河縣北塘口入海按此卽古鮑丘水入海故道也又新河在縣東南一百四十里明初漕運由直沽入海復折入運糧河達于薊州天順二年始開此河以通運艘亦名漕渠

泉州渠在縣東南魏志太祖以謁頓擾邊將征之從洵口鑿渠逕雍奴泉州以通河海今無水
七里海在縣東南一百三十里

秦城在縣東南十里
甯河縣 疲難西北至府三百里 有蘆臺一鎮巡檢駐

明永樂初于寶坻縣地置梁城千戶所
本朝雍正九年分置甯河縣

渤海在縣東南西南接天津東接豐潤縣界

昌平州 衝繁難南少東至府七十五里

有榆河驛黃花一
鎮洪鎮石峽黃瓜
峪西水峪小長峪
大長峪龍嶺灰嶺
凡十二口

漢置昌平軍都二縣皆屬上谷郡後漢改屬廣陽郡晉屬燕國
後魏初省昌平入軍都天平中于軍都城置東燕州及平昌郡
昌平縣後周州郡俱廢尋又置平昌郡隋初郡廢縣屬幽州大
業初屬涿郡唐亦屬幽州明正德元年升為昌平州屬順天府
湯山在州東三十里下有溫泉

本朝置行宮于上軍都山在州西北太行第八陁也天壽山在
州北十八里本軍都諸山之岡阜名黃土山明永樂七年卜建
山陵因改今名

長城嶺在州西少南又有灰嶺險倍于長城

溫餘水自居庸關南流逕州西又東南逕順義縣及通州入白
河一名濕餘水亦曰榆河俗名富河班固云軍都縣溫餘水東
至路南入沽州境易荆水芹城水並注溫餘水易荆水今名南
沙河

故縣城在今州東南軍都故城後魏廣武廢縣在州西東魏萬
年故城在州西南

芹城在州東三十里沮陽城鞏華城在州東南孤竹城在州境
白楊城在州西四十里鎮邊路城在州西一百里橫嶺城長峪
城並在州西北八十里黃花路城在州東北一百里
居庸關在州西北去延慶州五十里關門南北相距四十里呂
不韋書九塞之一班固云居庸縣有關今置稅課大使

明成祖長陵在州北二十里天壽山南仁宗獻陵在天壽山西
峯下宣宗景陵在天壽山東峯下英宗裕陵在州西北石門山
東景帝陵在宛平縣西金山口憲宗茂陵在州西北聚寶山東
少南孝宗泰陵在州東北筆架山東南武宗康陵在州金嶺山
東北世宗永陵在州十八道嶺後改名陽翠嶺穆宗昭陵在州
大峪山東北神宗定陵在小峪山東光宗廣陵在天壽山西峯
之右熹宗德陵在州東北雙鎖山之檀子峪莊烈帝思陵在昭
陵西按除景帝陵在宛平其在州境者凡十三陵
順義縣 衝繁難西南至府六十里 有順義驛宋城一鎮石
槽一此若

漢置狐奴縣屬漁陽郡三國魏景初二年廢晉復置屬燕國後
魏廢唐開元二十五年移置燕州于此天寶初曰歸德郡乾元
初復曰燕州建中二年省燕州後改爲順州五代晉天福初入
遼仍曰順州置歸化軍宋宣和四年賜名順興郡金亦曰順州
明洪武元年廢州改置順義縣正德初與密雲懷柔二縣改屬
昌平州

本朝仍屬順天府
狐奴山今名呼奴山在縣東北二十五里山有小石城其西南
百步有漢狐奴縣址桃山在縣西北三十五里元致和初上都
兵八古北口留重兵屯燕樂城以輕騎進抵桃山
狐奴故城在縣東北漢安樂故城在縣西南
南河城在縣東南三十五里
密雲縣 衝繁難西南至府一百三十里 有密雲驛古北一
口縣丞分駐石匣
巡檢駐古北口

戰國燕置漁陽郡漢兼置漁陽縣爲郡治晉時郡縣俱廢後魏

復置漁陽縣屬漁陽郡皇始二年又分置密雲縣屬密雲郡北齊省漁陽縣又廢密雲郡入密雲隋以密雲縣屬安樂郡唐武德元年于縣置檀州天寶初曰密雲郡乾元初復曰檀州五代晉天福初入遼曰檀州武威軍宋宣和四年賜名橫山郡升鎮遠軍節度金廢州以縣屬順州後復置檀州元初以密雲縣併入隸大都路明洪武元年改州爲密雲縣

鐵鑛山在縣東三十里山產鐵班固云漁陽有鐵官元至元十三年霧靈山伐木官言檀州大谷錐山出鐵鑛有司覆視之尋立四冶圖經大谷錐山在縣北或云卽鐵鑛山也又金洞在縣東八里元時嘗採金于此銀冶山在縣南十五里四稜山在縣東北百里舊產銀鑛

黍谷山在縣西南十五里劉向別錄燕有黍谷地美而寒不生五穀鄒子居之吹律而溫氣生密雲山在縣南二十里石虎攻段遼遼棄令支奔密雲山卽此霧靈山在縣東北一百八十里南距邊四十里本名伏凌山後譌爲霧靈元有霧靈山伐木官其絕頂可瞰塞內明正德中巡撫都御史王大用以山錯在朶顏界議築城守之以扼其險不果

沽水今名白河源出宣化府赤城縣自古北口西流入縣西又東南逕懷柔順義通州香河武清入天津府界由直沽入海亦名潞水今亦名北運河班固云漁陽縣沽水出塞外東南至泉州入海行七百五十里鮑丘水今名潮河源出口外亦自古北口西南流入縣東南合白河其故道本自縣流逕懷柔順義與白河合復自白河分流逕通州三河寶坻合洵河入海明嘉靖三十四年遏潮河不使入順義遂竟由密雲縣境合白河縣境

漁水白馬關水注白河三城水要水等並注潮河

漁陽故城在縣西南漢獮平故城後魏燕樂故城安樂郡故城並
在縣東北漢庠奚故城在縣東北口外獮平城東北要陽廢
縣在縣東南遼行唐廢縣在縣東

其城在縣東北博陸城在縣東南狸陽城在縣境石匣城在縣
東北六十里

古北口關在縣東北一百二十里兩崖壁立中有路僅容一車
凡四十五里最爲險絕亦曰虎北口

懷柔縣衝繁西南至府一百里有紅螺一鎮

漢漁陽縣地唐初爲密雲昌平二縣地貞觀二十二年置彈汗
州開元四年改曰歸順州治懷柔縣天寶初曰歸化郡乾元初
復爲歸順州遼廢州以縣屬順州宋宣和中因之金明昌六年

改曰溫陽元廢明洪武十三年復置懷柔縣屬北平府後屬順

天府

涿州衝繁難東北至府一百四十里

有涿鹿驛管河吏目駐永定河

秦上谷郡地漢高帝置涿縣並置涿郡屬幽州三國魏黃初中
改曰范陽郡晉爲范陽國後魏仍爲郡隋開皇初郡廢大業初
以縣屬涿郡唐武德初屬幽州七年改縣曰范陽大曆四年析
置涿州五代晉天福初入遼仍曰涿州置永泰軍屬析津府宋
宣和四年賜名涿水郡升威行軍節度金仍曰涿州屬中都路
元太宗八年升涿州路中統四年復爲涿州屬大都路明洪武
初以州治范陽縣省入屬順天府

桃水今名拒馬水在州西北自易州涑水縣流入與聖水合班
固云桃水首受涑水分東至安次入河按安次在今東安縣界

酈注于下流已但言聖水今更爲渾河所奪今東安縣南五十里有桃河泊當猶以桃水得名又按古拒馬水至涑水縣北折而南其東分者爲桃水今拒馬河直至州北涑水之故道絕而不續亦與古不同矣又涇水今名胡良河在州北十里源出房山縣大安山又東南合拒馬水入聖水班固云良鄉涇水出東南至陽鄉入桃

鳴澤在州西漢書武帝元封四年北出蕭關歷獨鹿鳴澤服虔曰獨鹿山名鳴澤澤名皆在涿郡道縣北界又涿水亦當在州西按舊說以狹水爲涿水且謂源出保安州涿鹿山以求合應劭涿水出涿鹿縣之說然無所據酈注及樂史又似卽今之拒馬河今不可考姑附錄于此

督亢陂在州東南卽燕太子丹使荆軻以獻秦者岐溝在州西南三十里唐未嘗置關

漢西鄉故城在州西北

垣城在州北樂城在州東二十里

房山縣繁難東北至府九十里

有磁家一務孤山一口巡檢駐磁家務

漢置良鄉縣屬涿郡晉屬范陽國後魏屬燕郡北齊省入薊縣尋復置隋屬涿郡唐屬幽州聖歷元年改爲固節縣神龍元年復曰良鄉五代唐時徙廢金大定二十九年改置萬甯縣明昌二年更名奉先屬涿州元至元二十七年又改曰房山仍屬涿州

本朝屬順天府

大房山在縣西北亦作大防山酈道元云防水出大防山南又石經山在縣西南五十里

聖水今名流離河源出縣西北東南逕良鄉涿州入保定府界
按土人云舊時渾河從固安之故城村決而西南至茨村東北
合流離河遂直南衝茨村分爲二後渾河漸徙而東至康熙戊
辰始盡淹塞不復相通而流離河遂南入新城縣界其故道由
涿州東逕固安永清東安霸州界今皆爲渾河所奪又縣境防
水今名漫水河樂水今名涼水河俠河水今名韓村河並注聖
水

良鄉故城在縣東又唐廢威州在縣境

金太祖睿陵在縣西北二十里雲峯山下世宗興陵在縣大房

山東北相近有章宗道陵宣宗德陵

霸州衝繁北至府一百八十里

有范家一口州同州判各
一並駐三角淀吏目駐清

漢置益昌縣屬涿郡後漢廢爲安次縣地唐爲永清縣地五代
晉天福初入契丹周顯德六年收復益津關置霸州仍置永清
縣爲州治宋亦曰霸州景祐元年廢永清縣入文安政和三年
賜名永清郡屬河北東路金貞元二年改屬中都路大定二十
九年復置益津縣爲州治元亦曰霸州中統四年省益津縣入
州至元二年復置明洪武初仍省縣入州屬順天府

臺山在州東二十里舊爲九河所經

中亭河在州南舊有古河上自蓮花臺下達臺山明嘉靖二十
四年循故道修濬後復淤

本朝康熙三十八年重濬又通濟河在州東

永濟渠在州東

益昌故城在州東北金信安故城在州東益津廢縣在州治東

布武 文明保护基金会

www.docsriver.com商家布武古籍

平曲城在州東折城在州東八十里古南關城在州南
文安縣繁難北至府二百四十里

有柳河勝芳蘇橋狼虎
廟四鎮主簿一駐蘇家
橋

漢置縣屬勃海郡後漢屬河閒國晉屬章武國後魏屬章武郡
隋屬河閒郡唐初屬瀛州景雲二年改屬莫州五代周顯德六
年割屬霸州宋景祐元年移入州郭皇祐元年復還故地仍屬
霸州

本朝與大城保定並改屬順天府

縣故城在今縣東唐徙今治

南北盧蒲城在縣西二十七里樂史云左傳放盧蒲嬖于北燕
權置城于此廣陵城在縣西北十二里三角城在縣西北二十
里

大城縣

繁難北少西至府二百九十里

有李壇子牙二鎮

漢置東平舒縣屬勃海郡後漢屬河閒國晉泰始元年於縣置
章武國後魏曰平舒仍爲章武郡治隋開皇初郡廢屬河閒郡
唐武德四年屬景州貞觀元年還屬瀛州五代晉天福初入契
丹周顯德六年收復改曰大城屬霸州

子牙河在縣東自河閒府河閒縣流入又北歷文安縣入天津
府靜海界卽滹沱河又溢陽諸水下流也一名鹽河按圖經謂
子牙河又受漳水蓋漳水舊分流至甯晉合溢水又至冀州合
滹沱也今漳水東徙逕魏縣元城抵館陶入衛不復至此又按
滹沱下流舊皆在今大城文安西北界班固云鹵城縣滹沱東
至文安入海又曰弓高縣滹沱別河東至平舒入海樂史云滹
沱水在文安縣西北三十里又東溢爲趙淀又云在大城縣北

一百三十里是也自宋元來改流二縣之東不經西界又圖經云滹沱之環文安者三支今惟子牙河一支會諸流滙邕奴水今益改而東下流逕會清河達西沽矣

後魏西章武故城在縣南

平陵城在縣東樂史云蘇建封平陵侯即此

保定縣 簡北至府二百里 有張家一口

漢涿郡易縣地唐為涿州歸義縣地宋初為歸信縣地太平興國六年置平戎軍景德元年改為保定軍宣和七年廢軍為保定縣隸莫州尋復故金復為縣屬雄州元至元二年省八益津縣四年復置屬霸州明洪武七年省八霸州十三年復置

會同河即澧易諸水下流自保定府雄縣流入縣北名玉帶河又東逕霸州南為會通河又東北逕東安縣南入天津縣界注于西沽本古巨馬河故道也

二里城在縣北

薊州 衝繁西至府一百八十里 有馬伸橋上倉店二鎮巡檢駐中營

春秋山戎無終子國秦置無終縣屬右北平郡晉屬北平郡後魏改屬漁陽郡隋開皇十六年徙置元州于此兼置總管府大業初府罷尋改置漁陽郡後又改縣曰漁陽唐武德初郡廢縣屬幽州二年改屬元州貞觀元年還屬幽州神龍元年又屬營州開元四年復還幽州十八年始于縣置薊州天寶初曰漁陽郡乾元初復曰薊州屬河北道五代晉天福初入遼曰薊州置尚武軍屬析津府宋宣和四年賜名廣川郡金仍曰薊州漁陽縣屬中都路元屬大都路明洪武初以州治漁陽縣省入屬順天府

無終山在州北一名翁同山又盤山在州西北二十五里西去平谷縣三十里盤山水出山上

庚水亦名溲水庚溲音同今名沽河自遵化州流入州南為沽河折而南與洵河會曰潮河盤山水在州東舊注洵水明成化後改注沽河州境諸水並注沽又洵水自口外西南流入州北又西南逕平谷縣南又折東南逕三河寶坻二縣合薊運河雄武城洪水城在州東北安遠城在州西北

平谷縣 簡西南至府一百五十里

漢置縣屬漁陽郡晉省後復置後魏太平真君七年并入潞縣後改入漁陽縣金大定二十七年復置平峪縣屬薊州元至元二年省入漁陽十三年復置曰平谷

洵河水在縣西南流逕三河縣入洵縣境諸水並注洵

縣故城在今縣東北

興京

漢置元菟郡南北朝至隋入于高句麗唐屬安東都護遼金時為東京東界明初置建州衛

國初

肇祖原皇帝始居于此順治五年尊為

興京

四距

八到

東至吉林烏喇界三十五里	西至奉天府將軍所轄界一百九十里	南至鳳凰城守界一百八十里	北至開原城守界一百五十里	東南至吉林烏喇界十五里	西南至鳳凰城守界一百六十餘里	東北至吉林烏喇界一百五十里	西北至開原城守界一百三十里
-------------	-----------------	--------------	--------------	-------------	----------------	---------------	---------------

至盛京二百七十里
至京師一千七百四十餘里

興京城周三里七十二步南北各一門東二門外城周九里南北各三門東二門西一門

太祖高皇帝翔建

永陵在城西北十里啟運山

肇祖原皇帝

興祖直皇帝

景祖翼皇帝

顯祖宣皇帝共一山

高句麗故城在城北

新城在

興京北晉咸康五年慕容皝擊高句麗兵及新城高句麗乞盟

乃還南蘇城木底城並在

興京界晉永和五年燕王皝使慕容恪攻高句麗拔南蘇置戍

而還義熙初後燕慕容熙攻高麗木底城不克

盛京

古冀青二州域舜分冀東北為幽州青東北為營州夏又并為冀州之域殷改冀州總名營州周初復名幽州時肅慎國在其東北朝鮮國在其東南實兼冀營二州地同為幽州境戰國時屬燕秦置遼東遼西二郡漢屬幽州武帝元封四年定朝鮮地開置真番臨屯樂浪元菟四郡昭帝始元五年省真番臨屯入元菟樂浪此為遼東遼西元菟三郡地又東為高句麗北為夫餘挹婁諸國地後漢建武十三年以遼東屬青州二十四年還屬幽州安帝時增置遼東屬國都尉漢末為公孫度所據魏克

之置東夷校尉治襄平而分遼東昌黎樂浪元菟帶方五郡置平州後還合爲幽州晉世爲高句驪所畧改遼東爲國尋復之復分遼東元菟等郡仍隸平州以慕容廆爲刺史太興二年廆據有之太和五年屬苻堅太元中屬後燕後沒于高句驪後魏及隋遼河以東屬高句驪遼河以西爲營州東界又東北爲靺鞨國唐貞觀十九年征高麗置蓋遼巖三州總章初平高麗置都督府九又置安東都護以統之先天中封大氏爲勃海郡王後置五京十五府六十二州于黑水靺鞨之南及高麗舊境遼初于遼陽故城建東平郡天顯三年升爲南京十三年改爲東京又于東京西北置上中二京金仍改東京而以混同江東爲上京江以西爲咸平路改遼中京爲北京元至元六年置東京總管府二十四年改遼陽等處行中書省統路七遼河以東曰

遼陽路東甯路瀋陽路開元路開元以東爲合蘭府水達達等路遼河以西曰廣甯路大甯路明洪武四年置定遼都衛八年改遼東都指揮使司革所屬州縣置衛二十五永樂中復置安樂自在二州外衛一百八十四所二十以山海關內隸燕京全遼諸郡縣皆廢我

太祖高皇帝天命七年建東京于遼陽十年自東京遷瀋陽天聰五年尊爲

盛京

奉天府

見在人丁二萬三千四百四十四

禹貢青州之域虞舜時爲營州周爲幽州北境今府治東南界古朝鮮而府治則古挹婁也東北盡屬挹婁北爲扶餘南近海

爲沃沮漢時所置遼東樂浪元菟三郡多屬今府治之東及朝鮮界內地唐以封勃海其後僭置五京十五府六十二州卽今府治建定瀋二州屬定理府遼置瀋州昭德軍與遼陽府及開辰盧鐵等州並屬東京道金仍爲瀋州與遼陽府及澄蓋貴德等州並屬東京路元省州縣置瀋陽路明洪武二十年置瀋陽中衛與定遼中左右前後等十三衛俱屬遼東都指揮使司

本朝天命十年
太祖高皇帝自遼陽遷都于此升爲

盛京順治十四年設奉天府置府尹錦州府州縣皆隸焉又理

事通判一駐岫巖城

府境

八到

東西距二百餘里
南北距九百九十里
東至興京界一百餘里
西至錦州府廣甯縣界一百里

南至海七百三十里
北至開原縣西北邊界二百六十餘里
東南至鳴綠江朝鮮界五百四十餘里
東南至廣甯縣界一百里
西南至廣甯縣界一百里
東北至廣甯縣界一百里
西北至廣甯縣界一百里
自盛京至京師一千四百七十里

土貢

玉 珠 松花石 安石 滑石 鐵 鹽 密 蠟
 靛 蓆 剛柳 暖木 六棱木 海絲 梨 松子 柞 樺
 香樹 青剛 柰子 桃菜 鹿茸 五味子 金線子
 稠梨 細辛 白附子 熊膽 鹿茸 海螵蛸 鹿 鼠 貂 臍
 樓 鷹 雉 虎 豹 熊 鹿 馬 鹿 鼠 貂 臍
 兔 利孫 元 狐 火 狐 沙 狐 銀 鹿 青 鼠 黃 鼠
 免 利孫 元 狐 火 狐 沙 狐 銀 鹿 青 鼠 黃 鼠
 鰾 魚 鰱 魚 烏 子 魚 八 稍 魚 石 首 魚 肋 魚 海 參

管縣六州二

甯海 承德 遼陽州 海城 蓋平 開原 鐵嶺 復州

承德縣

衝繁疲難郭下

有東州十方寺川盛三堡

秦以前肅慎氏地漢晉迄唐屬挹婁國睿宗時屬勃海大氏置瀋州轄于定理府遼置興遼軍後改昭德軍更置三河縣又改樂郊金時爲瀋州治元初於瀋州地置安撫高麗軍民總管尋改瀋陽路明洪武中置瀋陽中衛隸遼東都指揮使司本朝建都尊爲

盛京順治十四年設奉天府康熙三年設承德縣爲府治

天柱山在縣東二十里

太祖高皇帝福陵在焉興業山在縣西十里

太宗文皇帝昭陵在焉

海在府南七百三十里東自鳳皇城南鴨綠江口迤西繞甯海縣東南西三面又迤東北歷復州蓋平海城之西接錦州府界

回曲二千餘里路通山東登萊二郡及直隸天津府亦曰勃海遼河在府西一百里有東西二源自邊外合流而南逕開原鐵嶺二縣西又逕承德遼陽海城之西又南入海班固云望平縣大遼水出塞外南至安市入海行一千二百五十里又小遼水名渾河在縣南十里源出邊外自

興京界內流入至遼陽州西北會太子河班固云高句麗遼山遼水所出西南至遼陽入大遼水縣境諸水俱注小遼水

遼奉集故城在縣東南章義故城在縣西南遼濱故城在縣西北崇信廢縣在縣東

北豐城在縣西北鳳皇城在縣東南四百二十里遼開州故城在鳳皇城東南九連城在鳳皇城東連山關在鳳皇城西南爲朝鮮貢道

遼陽州

疲難北至府一百二十里

有八里莊一堡

秦置遼東郡漢置襄平縣爲遼東郡治晉爲遼東國治大興初爲慕容廆所據後燕時地入高句麗後魏至隋俱屬高句麗爲遼東城唐貞觀十九年征高麗克遼東城以其地爲遼州上元三年移置安東都護府于此後徙廢遼初建東平郡天顯三年升爲南京十三年改曰東京置遼陽府復置遼陽縣爲府治元初置東京總管府至元二十四年立遼陽等處行中書省二十五年改東京爲遼陽路以遼陽縣爲路治明洪武四年置定遼都衛八年改遼東都指揮使司領衛二十五州二都司所治爲定遼左右前後四衛東甯衛自在州中左二千戶所左右前後四千戶所

本朝順治十年設遼陽府領遼陽海城二縣十四年罷府爲遼

陽縣康熙四年改爲遼陽州

首山在州西南十五里接海城縣界魏志景初二年司馬宣王征公孫淵軍至遼東八月丙寅夜大流星長數十丈從首山東北墜襄平城東南

大梁水今名太子河在州北十五里自葦子峪東入邊西南流至州西北合小遼水又西至海城縣西北入遼河班固云大梁水西南至遼陽入遼又州境十里河注小遼水湯河沙河注大梁水

襄平故城在州北又漢西安平故城在州城東居就故城在州西南沓氏故城在州界唐巖州故城在州東北遼鶴野廢縣在州西廢湯州在州西北紫蒙廢縣金石城廢縣在州東遼興遼廢縣宜豐廢縣在州西南

船城在州西六十里

東京城在州東北八里大梁水東周六里十步

太祖天命七年建名曰東京十年遷都瀋陽設官駐此

海城縣疲難北至府二百四十里有鞍山驛一堡

周秦屬朝鮮漢屬元菟後改屬樂浪東漢置都尉以封沃沮魏屬平州晉及隋屬高句麗唐屬蓋州八勃海為南海府統沃晴椒三州六縣遼置海州南海軍尋置臨溟縣為州治金改澄州元省州縣屬遼陽路明洪武中于故海州臨溟地置海州衛隸遼東都指揮使司

本朝順治十年改海城縣隸遼陽府十四年改隸奉天

平頂山在縣西南十里有積水不涸

漢新昌故城在縣東遼隊故城在縣西遼析木故城在縣東南

四十里耀州故城在縣西南六十里廢嬪州在縣西北

沙卑城在縣境牛莊城在縣西四十里

梁房口關在縣西南七十里與蓋平縣接界明時海運之舟由此入遼河

蓋平縣繁疲北至府三百六十里有頂山一堡

周屬朝鮮秦時為燕人衛滿所據漢屬元菟郡魏屬平州晉及隋屬高句麗為蓋牟城地唐征高麗取其地置蓋州後入渤海仍置蓋州又改辰州遼以通辰韓陞辰州為奉國軍金章宗時改為蓋州奉國軍元初為蓋州路至元六年併為東京支郡後為遼陽路明洪武九年改置蓋州衛屬遼東都指揮使司本朝康熙三年置蓋平縣屬奉天府

五重河在縣東源出分水嶺流逕城東北有杓子河流合焉下

流匯清河水為臨江入海又縣境諸水並注海

漢平郭故城在縣南市故城在縣東北邊熊岳故城在縣西南六十里歸州故城在縣西南九十里金秀巖故城在縣東一百六十八里今訛為岫巖理事通判駐此

開原縣

衝波西南至府二百里

有尚陽虎脊二堡

唐虞息慎氏地商周及秦肅慎氏地漢屬扶餘界唐置黑水州都督府後渤海取扶餘地為扶餘府尋為龍泉府遼屬龍州金初建都置會甯州又升會甯府元初設開元萬戶府至元中改開元路明洪武初改元為原後廢開原路置三萬衛永樂中于城內置安樂自在二州屬遼東都指揮使司
本朝康熙三年置開原縣

大清河在縣東三十里源出三萬衛東北分水嶺南流逕城東

南十五里合小清河總名清河又西入遼河

縣故城在今縣西又遼黃龍故城在縣境銅山廢縣在縣南慶雲廢縣在縣西南清安廢縣歸仁廢縣在縣東北廢自在州安樂州並在縣城內

邊牆南起承德縣鳳皇城北入縣界折而西至山海關接邊城
周一千九百五十餘里

鐵嶺縣

衝波南至府一百三十里

有唐王營柴河二堡

周秦肅慎氏地漢晉屬挹婁隋屬越喜唐渤海取越喜地改富州屬懷遠府遼改銀州富國軍領延津新興永平三縣金改新興縣屬咸平府元省縣仍隸咸平明洪武中改鐵嶺衛治古鐵嶺城二十六年徙治于此實銀州故地仍名鐵嶺衛領中左右三千戶所屬遼東都指揮使司

本朝康熙三年置鐵嶺縣

范河在縣南三十里源出松山之東會諸山水北流入遼河又縣境柴河懿河並注遼河

咸平故城在縣境金挹婁故城在縣南六十里遼信州故城在縣東北界貴德故城在縣東南雙城廢縣在縣西復州繁難北至府五百四十里有楊官一堡

周秦為朝鮮地漢屬元菟魏屬平州晉至隋屬高句麗遼置復州懷德軍領永甯德勝二縣隸東京金領永康化成二縣元屬蓋州後入遼陽路明洪武中設復州衛國初裁衛改隸蓋平雍正五年設復州通判轄復金二州境十二年升為州屬奉天府

沙河一名復州河在州南八里合麻河西入海

得利羸城在州東八十里

甯海縣繁難北至府七百二十里有石河一堡

周秦朝鮮地漢屬元菟晉至隋屬高句麗唐平高麗初置金州後入渤海屬杉盧郡遼改復州化成縣金改蘇州安復軍領來蘇懷化二縣後改金州元初屬蓋州路後併遼陽明改金州衛領中左千戶所

本朝初隸海城康熙三年改隸蓋平雍正十二年置甯海縣

小沙河在縣北半里源出大黑山西流入海又縣境諸水並注海

遼廢賓州在縣南

大黑山城在縣東大黑山上

錦州府繁難

布武 文明保护基金会

www.docsriver.com商家布武古籍

見在人丁二萬三千六百八十

禹貢冀州之域周為幽州之域秦漢為遼西遼東二郡地後漢安帝後并為遼東郡晉永嘉中慕容氏置西樂郡魏為營州東境與高麗接界隋唐皆為營州東境遼始置錦州臨海軍屬中京道金屬北京路元省軍縣名止曰錦州屬大甯路明初改置廣甯中屯左屯右屯三衛與廣甯衛廣甯中左右三衛廣甯前屯後屯二衛義州甯遠二衛並隸遼東都指揮使司

本朝康熙三年改置廣甯府治廣甯縣四年裁廣甯府置錦州府移治錦縣仍屬奉天府

府境 東西距五百三十里

南北距一百八十里 東至奉天府遼陽州界二百四十里

八到 西至山海關界二百九十里

南至海四十里 北至義州邊界一百四十里

東南至奉天府海城縣界三百五十里
西南至山海關界三百里
東北至開原城守界三百八十里
西北至甯遠州邊界一百六十里
自府治至京師一千里

土貢 鹽 香梨 桃 錦荔枝 黃羊 入稍魚 蠟

管縣二州二

錦 甯遠州 廣甯 義州

錦縣 衝繁疲難郭下 有閭陽驛松山塔山錦昌大茂四堡

漢遼西郡徒河縣地晉時慕容皝置西樂縣後墟其地遼置永樂縣為錦州治元省縣八州屬大甯路明洪武二十四年改置廣甯中左二屯衛

本朝康熙三年改置錦縣四年為府治

海在縣南四十里迤西南去甯遠州東南十五里東連金州西

抵山海關南通天津登萊明時海運商舶皆于甯遠登岸縣南海防五城卽貯糧之所也又大凌河小凌河並在縣東小凌河亦曰錦水州以此名合諸水南流注海

徒河故城在縣西北又遼安昌廢縣在縣西神水廢縣永德廢縣在縣西北廢建州在縣西北一百餘里

大人城在府治東

甯遠州

衝繁疲難東北至府一百十里

有曹莊驛雙樹鹽場楊安瑞昌興水五堡

漢徒河縣地隋爲柳城縣地唐爲營州及瑞州地遼置嚴州興城縣屬錦州又于南境置來州金廢嚴州以興城屬興中府改來州爲瑞州元爲錦州及瑞州地明初置廣甯前屯中屯二衛宣德三年分二衛地置甯遠衛

本朝康熙二年東割塔山所地入錦縣西盡併前屯衛地改爲甯遠州三年屬廣甯府四年改屬

甯遠河在州西一里南流入海又州境諸河並注海

瑞州故城在州西南一百三十里又遼海濱廢縣在州西南興城廢縣在州南廢和州在州北一百二十里

廣甯縣

衝繁疲難西南至府一百六十里

有盤山驛中安小黑山高平壯鎮四堡

漢置無慮縣屬遼東郡安帝時分屬遼東屬國晉廢後魏爲營州東境唐置巫閭守捉城屬營州遼世宗置顯州奉先軍屬東京道金天會七年升州爲廣甯府改軍曰鎮甯領廣甯望平閭陽鍾秀四縣屬北京路元初遷府治臨潢至元六年降爲東京屬郡十五年復分爲廣甯路明洪武二十三年改置廣甯衛二

十五年封建遼王改廣甯中護衛明年復改廣甯衛又置中左右三衛俱屬遼東都指揮使司

本朝康熙三年改置廣甯縣為廣甯府治四年改屬錦州府

醫巫閭山在縣西十里高十餘里周二百四十里葬封十二山

以此山為幽州之鎮周禮職方氏東北曰幽州其山鎮曰醫巫

閭隋開皇十四年詔以醫巫閭為北鎮自後因之山下有北鎮

廟

東沙河源出醫巫閭山至縣城東南會南沙河合流入海縣境

又有羊腸馬市等河

漢望平故城在縣東北險瀆故城房縣故城在縣東南遼鍾秀

故城閭陽故城在縣西南川州故城在縣西北歸義廢縣在縣

東北廢閭州壕州在縣東北廢懿州在縣東北境外

遼景宗乾陵在醫巫閭山

義州 繁疲難南至府九十里

有馬嶺驛永甯八塔得勝營城鎮夷五堡

漢無慮縣地唐為營州地遼置宜州崇義軍又置宏政縣為州

治金天德三年改曰義州屬北京路元省縣入州屬大甯路明

洪武二十二年改置義州衛

本朝初以其地賜察哈爾康熙十四年察哈爾叛討平之十五

年設巡檢司屬廣甯縣十九年設城守尉駐防六十一年移錦

州通判駐此雍正十年改設同知管轄十二年復升為義州

遼開義廢縣在州南四十里同昌廢縣在州北廢遼西州在州

東

大棘城在州西北前燕慕容廆曾都此

甯古塔城

古肅慎國地漢晉為挹婁國地後魏謂之勿吉隋曰靺鞨唐時有粟末靺鞨大氏于此置上京龍泉府國號渤海其東北屬黑水靺鞨遼時為女真諸部地後建國曰金於故地置上京會甯府及合懶恤品胡里改等路元設軍民萬戶府五曰桃温曰呼里改曰斡朶憐曰孛苦江皆隸合蘭府水達達等路明初屬建州毛憐等衛後屬

本朝地名甯古塔順治十年設昂邦章京康熙元年改鎮守甯古塔等處將軍十五年將軍移鎮吉林烏喇城留副都統鎮此吉林城在西南五百里雍正四年曾設永吉州尋罷吉林理事同知一駐泰甯故縣城
四距 東西距一千二百五十餘里 南北距一千二百里

八到

東至海三千餘里
西至吉林烏喇界二百五十里
南至土門江朝鮮界六百里
北至混同江黑龍江將軍所轄界六百里
東南至海一千八百七十里
西南至吉林烏喇界五百里
東北至阿爾楚哈城七百餘里
西北至盛京一千三百五十餘里
自城至

土貢

珠 松花石 鹽 松子 樺子 棒子 桃花
水 法佛哈 米 孫烏什 哈 人參 熊膽 鹿茸 鵬
鷹 海東青 虎 豹 熊 麋 鹿 駝 鹿 貂
貂熊 失利孫 銀鼠 灰鼠 海豹 江獺 鱒 鱧 魚
哲綠魚 大發哈魚 烏庫力魚

長白山在吉林城東南橫亘千餘里鴨綠混同土門三江悉源于此舊名不咸山亦名太白山亦名白山山海經大荒之中有山名曰不咸有肅慎氏之國晉書肅慎氏在不咸山北速末水今名混同江在吉林城東南又名松花江源出長白山

北流會諾尼黑龍等江入海魏書勿吉國有大水濶三里餘名速末水又土門江在城南六百餘里烏蘇哩江在城東一千餘里並注海

馬訾水今名鴨綠江在吉林城南九百七十七里源出長白山西南流與朝鮮分界至鳳皇城東南入海班固云蓋馬縣馬訾水西北入鹽難水西南至西安平入海過郡二行二千一百里鹽難水今名佟家江在吉林城南八百二里亦名通加江南流會鴨綠江唐書鴨綠水西與鹽難水合又境內諸水並入混同等三江

渤海上京城及金會甯故城在城西南曲江廢縣在城東北遼甯江故城在吉林城北混同江東岸

五國頭城在城東北輝發城有三並在吉林城界哈達新城在

吉林城西南五百里葉赫城在城西四百九十五里

黑龍江城

戶口未編

古肅慎氏地漢晉爲挹婁國地後魏時始有黑水部爲勿吉四七部之一隋曰黑水靺鞨唐時黑水又分十六部以南北爲柵南接渤海西接室韋開元中以其地爲黑水州尋又置黑水府以部長爲都督後渤海盛皆役屬之遼平渤海黑水復擅其地其在南者繫籍于遼在北者皆不屬籍金時爲蒲與路及肇州之北境元隸開元路明初設都司統領之

國初有索倫打虎爾兩部居額爾古納河及淨溪里江之地並歸服于

太宗文皇帝康熙二十二年始設將軍都統築城鎮守

四距

東西距三千一百里

南北距四千里

東至甯古塔界二千三百里

西至喀爾喀界八百里

南至白都訥界五百里

北至鄂羅師界三千五百里

東南至甯古塔界一千七百里

西南至札賴特界一百二十里

東北至甯古塔界三千六百里

西北至鄂羅斯界二千里

白木城至盛京一千七百餘里至京師二千二百

土貢

楛矢

石弩


貂

難水今名諾尼江在齊齊哈爾城西五里亦曰郡河明時曰腦
溫江源出伊爾虎立山自塞外會諸小水至內地與混同江合
北史太和初乙力支貢馬乘船從難河西上黑水今名黑龍江
在城東亦曰完水又名室建河亦名幹難河源出喀爾喀北界
肯特山會諸小水東北流入內地合額爾古納河淨溪里混同

烏蘇里等江東北流入海北史烏洛侯國西北有完水東北流
合于難水舊唐書謂之室建河又枯淪湖在城西二千里舊唐
書所云俱淪泊也

愛渾城在城東北十二里齊齊哈爾城在城西南八百五十里
墨爾根城在哈爾城北四百三十五里故黑水府在境內

曾孫用勲校刊



布武 文明保护基金会

www.docsriver.com商家布武古籍